

中國方志叢書·華南地方·第二二三號

據

清光緒九年
黎申產輯
民國五十九年重印本

影印

廣西省

寧明州志

(全)

成文出版社有限公司印行



10096570

中華民國五十九年十一月壹一版

寧明州志

全一冊

發行人：**黃成助**

出版者：**成文出版社有限公司**

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

寧明州志自序

作志難事也非淹貫二十四史及旁通各家子集不可作非不可作也作之而人笑其妄作也卽如前明一統志以衆儒臣奉天子命復寬其歲月使之成書而書中尙多舛謬爲亭林顧氏所糾以此思難難可知矣況吾州開闢尤後文獻不足無所藉以爲潤色尤難中之至難矣光緒壬午賓川王雲書明府治吾州延申產主書院講席每燕見輒以此州向無志書命申產規

作

申產

畏其難也具述如上所說力辭不能而明府亟命之且

誨之曰天下事人人畏難是終無任事之人矣志其所知而勿

強不知以爲知不亦可乎

申產

謹其言退而竭其鄙愚參以訪

采纂成二卷蓋明知其難也而猶冒昧以作之滋自愧矣

光緒癸未孟陬月上元日黎申產識

寧明州志卷上

州人黎申產崧山輯

疆域紀

寧明州距京師一萬五百四十里距廣西省會二千六百二十里距鎮南關僅一百五十里世所指爲極邊煙瘴者也然南交之宅唐堯以命羲叔南交今交趾地也逮秦略定楊越置桂林南海象郡兩漢因之改爲南海蒼梧合浦交趾九真日南七郡屬交州部夫交趾九真日南三郡距今之州城幾三千里而晉

之葛洪求爲勾漏令

廣西省志以勾漏在北流恐誤考兩漢書勾漏屬交趾部

唐之姜公輔九

真人爲宰相卽明永樂五年已復入中國版圖設無中官馬騏
之貪黷此三郡不至復反而陷於夷今之州城何至爲極邊耶
緣今之生長於斯者自安於極邊而不知振作官斯土者又以
爲極邊而鄙夷其民故於紀疆域之始一發此論使知今之所
謂極邊非古之所謂極邊也

又按明史土司傳洪武二十九年思明土府土官黃廣成遣使
入貢因奏言本府自故元改思明路軍民總管所轄左江一路

州縣峒寨東至上思西至銅柱元兵征交趾去銅柱百里設水
平寨軍民萬戶府置兵戍守命交人供其軍餉元季擾亂交人
陷永平寨遂越銅柱二百餘里侵奪思明屬地邱溫如熬慶遠
文淵脫朗五縣逼民附之以是五縣歲賦皆思明代輸前者本
府失理於朝遂致交人侵迫日甚及告禮部任尙書立站於洞
登洞登實思明地而交趾乃稱屬銅柱界臣當具奏蒙朝廷遣
刑部尙書楊靖覈其事建武志尙可考也乞敕安南俾還舊封
庶疆域復正歲賦不虛帝命戶部錄所奏遣行人陳誠呂讓往

諭安南三十年誠讓至安南諭其王陳日焜令還思明地議論
往復久而不決以譯者言不達意復爲書曉之安南終辯論不
已出黃金二錠白金二錠及沈檀等香以賄誠讓卻之安南復
咨戶部無還地意廷臣議其抗命當誅帝曰蠻人怙頑不悛終
必取禍姑待之其後果爲黎季犛所篡由此觀之則元季之思
明府猶以今越南諒山省西南鬼門關外之銅柱爲界從可知
矣

州治東面臨江東北至太平府陸路一百二十里水路三百三

十里西北至龍州陸路一百二十里水路一百六十里東南至
土思州一百里西至下石土州五十里至上石七十五里東至
鯉魚山五十里接土思州界西至白馬塘四十里接下石土州
界南至蕃葆嶺

俗呼飯包嶺

五十里接思陵土州界北至瓜村塘六

十里接上龍土司界東南至磊落山五十里接土思州界西南
至板漂隘一百二十里接越南國界東北至博美村二十五里
與燕子巢毗連接土思州界西北至菊庚山

俗作楠黃
係土字

五十里

接龍州界統計東西相距九十里南北相距一百一十里東北

西南相距一百四十五里東南西北相距一百里所轄土州四

思州 思陵街二明江哨八東西中鄉沿江寨四納蓮排蓮堡十

憑祥

下石

街二

馱

燾

哨八

南北三村沿江

寨四

順

寧

蕾蓬

堡十

安馬祥村綠柳洞郎新村

屯五

上央

下央

黎龍

坤增

黎龍

黎龍

堡十

分野

作志書者皆斷斷於分野據廣西省志述清風一行之說而斷之謂西北抵楚者當屬鶉尾而爲翼軫之分野在東北接吳者當屬星紀而爲牛女之分野且按其氣候近西者寒燠平分田禾歲止一收近東者燠多寒少田禾歲有兩熟氣候旣殊則分野亦當各別云云則審明似宜屬牛女分野然不敢臆決也善乎陳臥子之言曰分野之說自古有之然中國之於天下數分

之一耳奈何以周天之星而分配於中國之地止以辰星廟爲蠻夷之星乎且堯青徐千餘里之地而占角亢氏虛危奎婁胃八星吳越以南濱海荆楚以南包嶺何啻萬餘里而皆在牛女翼軫之分乎此皆不可解者也

沿革

史記紀顓頊曰北至幽陵南至交趾交趾尙在此州外則此州之通聲教久矣祇以後王德薄不能遠有遂淪於蠻夷兼以從前罕紀載之書故於兩漢雖知其在此州七郡之中而不能確定爲何縣下此愈難溯其原委矣所可考者則在宋皇祐間黃善璋授成忠郎管轄永平寨始黃善璋者字玉寶隨狄武襄公征儂智高有功奏設永平寨以公管之其疆域所至奄有今明

江廳寧明州土思州三處之地分四十四哨四寨十堡五屯至元改爲思明路軍民總管世祖時三征交趾皆於此駐師明洪武初其後人有黃忽都者表地以獻帝仍俾其世襲而改路爲府忽都嘗入覲請於帝以所轄地寬廣且逼近蠻夷乞將隔江之八哨四寨五屯俾其弟忽第分理帝許焉因設思明州隸思明府州治在今夏洲村數傳至黃震始移治於今所其思明土府之革而改駐明江同知事在 國朝雍正十三年緣土府黃觀珠昏庸不德諸事聽家人阿娜所爲民不堪命因共殺阿娜

而叩關也然仍割府東三十六哨地別立思州令其後人世襲以延善璋之祀思明土州自移州治之後數傳至河龍公當明鼎革之際不忍薙髮遂將州職付其子一位而隱逸以終一位卒傳子玉中時玉中之諸父一統一爵欲謀殺玉中玉中逃出太平府訴諸郡守擒一統一爵充遼陽軍再傳至而芸亦昏庸不德江西客之行商於州者而芸嗾惡少要而奪其貨爲江西客人所控及他不法事亦以雍正十三年以後褫其世職設流官如今制焉

寧明州志

山嶺

藝文附

州治十五里內無大山西南二面有土嶺不甚高十五里外則衆山羅列多不可數亦不立名字昔人嘗謂若移一二山於中原登眺題詠不知凡幾矣物以罕而珍以多而厭其理勢然也距城愈遠則山愈奇然樵夫牧子知其奇而不能傳之以文士大夫又不能身歷其境無由知其奇也今以耳目所接者列之於篇特十之一耳至州之南則皆土山東西二面則土石山錯